

## 5. gr.

Styrkjum úr sjóðnum skal úthluta samkvæmt umsóknum sbr. 2. gr. Skal styrksupphæð fara eftir mati sjóðsstjórnar hverju sinni. Aldrei má þó úthluta meiru en svo, að eftir standi kr. 1000.00.

## 6. gr.

Verði sjóðurinn af einhverjum ástæðum lagður niður, sem slíkur, skulu eignir hans renna til þess að auka tækjakost Sjúkrahúss Skagfirðinga, eftir samkomulagi sjóðsstjórnar og yfirlæknis sjúkrahússins.

## 7. gr.

Leita skal staðfestingar forseta Íslands á skipulagsskrá þessari.

*Sauðárkróki, 30. apríl 1966.*

**Þórir Stephensen. Guttormur Óskarsson. Kristján C. Magnússon.**  
**Guðbrandur Frímannsson. Hulda Sigurbjörnsdóttir.**

**AUGLÝSING**

**um staðfestingu félagsmálaráðuneytisins á reglum nefnda til úthlutunar bóta samkvæmt lögum um atvinnuleysistryggingar.**

Samkvæmt lögum nr. 29 7. apríl 1956, um atvinnuleysistryggingar, hefur ráðuneytið staðfest reglugerð fyrir eftirtalda úthlutunarnefnd atvinnuleysisbóta, sbr. auglýsing ráðuneytisins, nr. 16, B-deild Stjórnartíðinda 7. febrúar 1957:

34. Nefnd Verkalýðsfélags Hríseyjar. Staðfest 17. jan. 1967.

*Félagsmálaráðuneytið, 18. janúar 1967.*

F. h. r.

**Hjálmar Vilhjálmsson.**

*Gunnlaugur Þórðarson.*

**SAMÞYKKT**

**fyrir Vatnsveitufélag býlanna Efri-Hóll, Syðri-Hóll, Efri-Kvíhólmi, Syðri-Kvíhólmi og Efri-Holta í Vestur-Eyjafjallahreppi.**

## 1. gr.

Félagið heitir Vatnsveitufélag Mýrabæja. Heimili þess og varnarþing er í Vestur-Eyjafjallahreppi í Rangárvallasýslu.

## 2. gr.

Markmið félagsins er að sjá býlum á félagssvæðinu fyrir vatni.

## 3. gr.

Stofnendur félagsins eru eigendur og ábúendur býlanna Efri-Hóls, Syðri-Hóls, Efri-Kvíhólma, Syðri-Kvíhólma og Efri-Holta. Hver stofnandi greiðir tíu þúsund krónur sem stofngjald.

**4. gr.**

Ábúendur nýrra býla á félagssvæðinu má taka í félagið með samþykki lög-  
mæts aðalfundar. Nýr félagsmaður greiðir tíu þúsund krónur sem stofngjald. Þó  
getur aðalfundur ákveðið aðra upphæð, ef sérstakar ástæður eru fyrir hendi. Nýr  
félagsmaður verður að kosta allar framkvæmdir, sem gera verður sérstaklega, til  
að hann geti notað mannvirki félagsins.

**5. gr.**

Vatnsskatt skal innheimta árlega. Skal félagsstjórn ákveða upphæð hans þannig  
fyrir hvert reikningsár, að nægi greiðslu vaxta, afborgana og viðhalds. Vatns-  
skattur greiðist í hlutfalli við stofngjald hvers aðila. Vatnsskatt má taka lögtaki, ef  
ekki er staðið í skilum.

Eignir félagsins standa til fullnægingar skuldbindingum þess. Enginn félags-  
maður ber ábyrgð á skuldbindingum félagsins umfram þau gjöld, sem honum er  
gert að greiða samkvæmt ákvæðum þessarar samþykktar.

**6. gr.**

Félagsstjórn er skylt að boða til fundar, ef þrír félagar eða tveir stjórnarmenn  
krefjast þess, enda tilgreini þeir tilefni kröfunnar.

**7. gr.**

Félagsfundur er lögmætur, ef helmingur félagsmanna sækir hann, enda hafi  
verið löglega til hans boðað. Fundur er löglega boðaður, ef hverjum félagsmanni  
er tilkynnt fundarboð bréflega eða persónulega með fimm daga fyrirvara. Á félags-  
fundum hafa allir félagsmenn jafnan rétt og ræður afl atkvæða úrslitum.

**8. gr.**

Aðalfundur félagsins skal haldinn eigi síðar en 1. apríl ár hvert. Til hans skal  
boða með viku fyrirvara, bréflega eða persónulega. Aðalfundur er lögmætur, ef allir  
félagsmenn sækja hann. Hafi þrisvar sinnum verið boðað til aðalfundar vegna  
ónógrar fundarsóknar, telst þriðji fundur löglegur, hver sem fundarsókn er.

Á aðalfundi skulu teknar ákvarðanir um starfsemi félagsins á árinu, lagðir fram  
reikningar af stjórn félagsins, en hana skipa 3 menn, formaður, ritari og gjaldkeri,  
kosnir á aðalfundi til eins árs í senn. Enn fremur skulu kosnir tveir endurskoð-  
endur til eins árs. Liggi önnur mál fyrir aðalfundi en venjuleg aðalfundarstörf,  
skal þess getið í fundarboði.

**9. gr.**

Stjórn félagsins skiptir með sér verkum. Störf stjórnar skulu ólaunuð. For-  
maður kveður stjórnina saman til fundar og boðar félagsfundi og aðalfundi. Stjórnar-  
fundir eru því aðeins lögmætir, að allir stjórnarmenn séu mættir. Færa skal gerða-  
bók stjórnarfunda og skal ritari stjórnarinnar lesa fundargerð í lok hvers fundar  
og undirrita hana, ásamt formanni, þegar hún hefur verið samþykkt.

**10. gr.**

Stjórn félagsins hefur umsjón með vatnsveitunni, annast reikningshald hennar  
og innheimtu á gjöldum til félagsins. Hún sér um viðgerðir og viðhald á vatns-  
veitunni. Viðhald heimæða og umbúnað í húsum annast félagsmenn hver hjá sér.

## 11. gr.

Samþykkt þessari má ekki breyta, nema á aðalfundi, enda hafi breytinganna verið getið í fundarboði og séu að minnsta kosti  $\frac{2}{3}$  félagsmanna samþykkir þeim.

Samþykkt þessi, sem samin er og samþykkt af Vatnsveitufélagi Mýrabæja í Vestur-Eyjafjallahreppi, staðfestist hér með samkvæmt vatnalögum nr. 15 20. júní 1923, til þess að öðlast gildi þegar í stað og birtist til eftirbreytni öllum þeim, sem hlut eiga að máli.

*Félagsmálaráðuneytið, 18. janúar 1967.*

F. h. r.

Hjálmar Vilhjálmsson.

*Hallgrímur Dalberg.*

18. janúar 1967.

Nr. 8.

## S A M Þ Y K K T

fyrir Vatnsveitu Mjóafjarðar.

## 1. gr.

Hreppsnefnd Mjóafjarðarhrepps hefur einkarétt til reksturs vatnsveitu og sölu vatns á svæði því, er vatnsveitan nær yfir og hún getur fullnægt og einnig til hafnarinnar á Mjóafirði.

## 2. gr.

Frá vatnsæðum vatnsveitunnar má enginn leggja vatnsæðar nema með leyfi hreppsnefndar.

## 3. gr.

Öll framkvæmdastörf, er vatnsveituna varðar, annast hreppsnefnd. Hún annast um viðhald vatnsveitunnar, endurbætur og umsjón alla. Hreppsnefnd skal heimilt að ráða sérstakan umsjónarmann vatnsveitunnar, er hafi eftirlit með vatnsveitukerfinu og annist öll þau störf í þágu vatnsveitunnar, er henta þykir.

## 4. gr.

Hreppsnefnd hefur á hendi reikningshald vatnsveitunnar og innheimtu gegn hæfilegu gjaldi. Reikningsárið er almanaksárið og skulu reikningar vatnsveitunnar endurskoðaðir af endurskoðendum hreppsreikninganna og fylgja hreppsreikningnum ár hvert.

## 5. gr.

Hreppsnefnd ákveður hvar og hvenær leggja skuli vatnsæðar. Vatnsveitan ber allan kostnað við lagningu og viðhald vatnsæða, nema úr götulögn í hús, það kostar húseigandi. Vatnsnot til annarra þarfa en heimilisnotkunar skulu að jafnaði leyfð, en með nánari fyrirætlum og skilyrðum, er vatnsveitan setur hverju sinni. Réttur húseigenda og annarra notenda skuldbindur ekki vatnsveituna til að sjá ætíð fyrir nægu vatni. Vatnsveitan skal á eigin kostnað koma fyrir brunahönum.

## 6. gr.

Skylt er hverjum húseiganda, er vatnsæð hefur, að halda vatnsæðum sínum vel við og láta tafarlaust gera við þær, ef leki kemur að þeim. Hann skal sérstaklega gæta þess, að ekki frjósi í æðunum. Enginn má eyða vatni að óþörfu.